

D. O. M. A.

OPHTHALMO- GRAPHIAM ET OPSIOSCOPIAM,

Thesibus succinctè comprehensam
*Authoritate Gratosissimi Medicorum Ordinis
in Almâ Salanâ*

SUB PRÆSIDE

Amplissimo, Excellentissimo, Experientissimo

DN. PAULO MARQVARTO
SLEGELIO, Phil. & Med. Do-
ctore, Anatomix, Chirurgix & Botanices P.P. cele-
bratissimo, h. t. Rectore Magnifico, Dn. Præ-
ceptore & Patrono suo omni
observantiâ co-
lendo.

*Ad diem 17 Octobr.**Publico examini subijcit*

CHRISTOPHORUS SCHELHAMMER,
Hamburgensis.

JENÆ,

Prelo STEINMANNIANO.

Anno MDC XL.

58

OPHTHALMO- GRAPHICAL OPTIOSCOPIA

This is a new and complete

and complete system of

the eye

and the eye

of the eye

of the eye

of the eye

of the eye

of the eye

of the eye

of the eye

of the eye

of the eye

of the eye

of the eye

THES. I.



Tanta est sensus nobilissimi, Visus, præstantia: ut meritò omnium facultatum exter-
narum princeps habeatur. Sive enim objecti
eminentiam, lucem videlicet, omnium quali-
tatum divinissimam; sive modum actionis,
quæ in instanti fit; sive Organi constructio-
nem consideres: nihil est in corpore universo, quod oculis non
cedat; nullus sensuum, cui palmam non præripiat. Adeò, ut
quemadmodum Egyptiorum olim disciplinâ, oculi signa mo-
tuum animi habiti fuerunt: ita quoq; certissima nonnunquam
affectuum corporis sint indicia, ut non negligendi in Medici-
na oculi videantur. Hujus igitur, sensuum facile Principis,
considerationem suscepturi: partiumque ejus organum con-
stituentium naturam examinaturi sumus.

II.

NOMINATUR Græcis ὀφθαλμὸς, quasi ὁ πὸς θάλαμον.
sedes visionis, Oculus Latinis ab occludendo, nonnullis ab oc-
cultando.

SITUS in hominis summâ parte, infra frontem.

NUMERO, Duo sunt in omnibus animalibus, ut cætera
sensuum instrumenta, quorum

QUALITAS & temperies frigida & humida.

FIGURA Pyramidalis est, cum appendentibus musculis &
pingvedine: resectis illis, Sphæroides & decora.

SUBSTANTIA Oculi ex variis partibus componitur: qua-
rum aliæ motui inserviunt; aliæ sensationi.

III.

Quæ Motum absolvunt, **MUSCULI** sunt, quibus venæ &
arteriæ à jugularibus; Nervi autem veniunt à secundo, tertio
& octavo paribus.

Circa eorum NUMERUM Anatomici olim in diversas abi-

erant partes. *Galenus IV. loc. aff. cap. . . & alibi.* Septem constituit; Totidem agnoverunt *Jacobus Carpus comm. in Mundin. & Vesalius; Columbus* quinque recensuit. Primus *Fallopianus* Sex musculis oculum humanum moveri, rectissime ostendit, quorum quatuor Recti, à recto motu & situ appellati: I. Attollens. II. Deprimens. III. Abducens. IV. Adducens. Orti omnes ab orbitæ osse Sphænoide, juxta foramen nervi optici. Obliqui duo sunt, nominati quia oblique oculum circumagunt: Unus, Mirabilis & Trochlearis; Alter, Obliquus inferior. Ille carneo principio ab osse Sphænoide, circa foramen nervi optici, ad superiorem anguli majoris sedem ascendens, in cartilagine illi cpositâ reflectitur, & postea, in membranam dilatatus, cum obliquo secundo in corneam tunicam inseritur: Hic ab infernâ orbitâ carneus oritur, & transversim oculum amplexatus, tendinem musculi deprimentis conscendit, & cum Trochleari, inter Attollentem & Abducentem desinit. Septimus, qui à *Galeno* additur, in brutis solum reperitur.

Adeps autem copiosus, his omnibus intertextus, musculos à se invicem distingvit.

IV.

Partes quæ ad SENSUM faciunt, non sunt unius generis: & primum quidem se offerunt Tunicæ, quas *Cicero* pelliculas vocat.

Harum Numerus, tot controvertentium inter se Anatomicorum sententiis agitur: ut, quid statuendum sit, difficile determinari possit. Qui *Hippocratem* sequi voluerit, *lib. de carnibus definientem* χιτῶνα, Tunicam, τὸ ἐνὸν ὡς αἶμα δέγμα, id, quod velut pellicula inest: Tunicas admodum paucas numeraverit. Idem tamen de locis in homine tres agnovit. Alii quinque; Sex alii; Alii Septem enumerant. Septem quoq; Nos non incommodè recenseri posse arbitramur. Quarum (I) prima quamvis ad sensum parum confert, CONJUNCTIVA dicitur. Alba illa & maximè obvia, ita dicta, quia conjungit oculum cum palpebris & extrinsecis partibus; Aliis Adnata vocatur. Figurâ suâ totum oculi bulbum amplectitur, à musculorum initiis ad corneam usque Tunicam producta. Substantia mem-

membranosa est, orta à pericranio, mediante obducto interius palpebris panniculo, qui ad musculos oculum moventes reflexus, membranam hanc constituit.

Reliquæ ad sensum faciunt, inter quas, quæ primò conspicitur, primam quoque considerationem meretur, & CORNEA dicitur (II) Secunda Tunica. Græcis *μεγαλονόη*, eò quod cornu laternarum referat. Figura Orbicularis est in homine; in bobus & brutis aliis ovalis: protuberat in anteriora nonnihil, & velut globositatem aliquam nacta eminet. Substantia satis crassa est, & ex *Ruffi* sententia certis laminis distinguitur. Originem suam traxit ab exteriori optici nervi tunica, & sclerodis prolongata est: ut nonnulli arbitrantur. Huic continua est SCLERODIS (III) Tertia Tunica. Quæ Nomen nacta est à duritie & robore, quod adepta præ reliquis oculi partibus singulare. Figuram, nisi corneâ interimeretur, absolute circularem & sphericam obtineret: Nunc, quia contiguâ habet corneæ tunicæ eminentiam, tantum minus habet sphericæ figuræ; quantum cornea occupat. Substantia crassa est & adiphana, nec à visibilibus speciebus penetrari potest. Ortum, perinde ut Cornea, duræ debet cerebri membranæ. (IV) Quarta oculi Tunica UVEA, quod uvæ acynum refert; CHOROIDIS, à similitudine, quam cum Chorio, foetus Tunica, habet, dicta est: Unde & *Avicenna* SECUNDINA nominatur. Extenditur immediate sub scleroticâ, ad crystallinum usque pertingens. Figura circulari & globosâ totius ferè oculi Bulbum obvolvit, pupillâ exceptâ, quâ hiat & quam singulari vi, quâ pollet, sese dilatandi & contrahendi, variat. Substantiâ æquabili constat, recipitque plures vasorum ramusculos. Sunt qui anteriorem hanc partem à Choroide distinguunt: sed fortassis non satis commodè. Quâ parte sclerodi obvertitur, variis instructa est coloribus, qui circulares limbum, nigræ oculi pupillæ circumductum, referunt: qui ob diversos colores Iris dicitur, & in solo humano genere variat; in reliquis speciebus certis coloribus lucet. Intus & in fundo adhærentes habet colores, in genere varios; in certâ verò specie plerumque certos. Nam in Taurorum fundo, color ferè semper cæruleus, cæruleos eorum oculos repræsentat; in homine nigricans, nigram semper pupil-

lam facit. Orta dicitur à secundâ nervi optici Tunica, quæ est
 productio piæ matris, seu tenuis menyngis. (V) Quinta RE-
 TINA dicitur, ab innumeris venis florum in modum ipsam per-
 reptantibus & Figurâ Retis piscatorii, in aquâ expansi. Sita est
 post humores omnes, omnesq; tunias. Cavitate suâ, plusquam
 hæmisphæricâ, vitreum humorem velut sinu complectitur.
 Substantiâ à pelliculæ consistentiâ nonnihil recedit. quippe
 à mucosâ nervi optici medullâ orta, nihil aliud est, quàm ipsa
 cerebri substantia, ubi primûm oculum attingit, expansa. Pel-
 lucida est hæc tunica: Magis tamen Opaca, quàm Diaphana,
 quod ipse ejus aspectus prodit. (VI) Sexta Tunica ARANEA
 dicitur. Imitatur enim aranearum telas. Cingit undiquaque
 ChrySTALLINUM humorem, & Figurâ non exactè rotundâ suo
 humori respondet. Substantiâ tenuissima est, adeò, ut *Ruffus*
Epheſius referat: eam à quibusdam non Tunicam; sed humoris
 ChrySTALLINI congelationem vocari. Nasci eam volunt à Reti-
 nâ, eâ parte, quâ humorem ChrySTALLINUM attingit, cujus invo-
 lucrum fit, longè retinâ tenuius. (VII) Ultima ΗΥΑΛΟΕΙΔΗΣ,
 hoc est, VITREA, exactissimè vitreum humorem involvit, ean-
 demque cum illo obtinet figuram. Substantiam autem adeò
 tenuem, ut difficilè ab humore suo discernatur.

V.

Secundo loco inter partes, quæ sensum visionis absolvunt,
 HUMORES numerantur. Quorû ratione Oculus ab *Aristotele* con-
 tra *Platonem* Aqueus dictus est. Non sine causa. Ita enim cum
 illis comparatum est, ut licet nomine ChrySTALLI & vitri à se in-
 vicem non ineptè discernantur; consideratione tamen ulte-
 riori adhibitâ, omnes nullo negotio in aquæ modum fundi cer-
 nantur. Tres sunt: (I.) AQUEUS κατ' ἐξοχήν dicitur ille,
 qui remotâ corneâ aquæ instar profluit. Nominatur aliàs Al-
 bugineus, quia ad ovi albumen consistentiâ propius accedit.
 Tenuis enim est Substantiæ, remotis obstaculis facilè diffluit,
 & vulneratâ pupillâ promptè profilit. Figurâ ratione partium
 continentium, antèrius prominet convexus, posterius cavus,
 in medio gracilescit. Remoto Aqueo (II.) CHRYSTALLINUS
 humor conspicitur, qui glacialis appellatur à congelatæ glaci-
 ci substantia, quam referre videtur. Gutta humoris à *Ruffo* di-

citur: Situs in medio magis, quam in centro est: mediâ sui par-
 te inclusa in vitreo humore, ut gemma in auro, vel pomum in
 aquâ natans. In quadrupedibus & illis, qui primum habent
 vultum, inferiori oculi orbitæ propinquior est, ut observavit.
Aquapendens part. I. cap. 7. Figuram habet non exactè Sphæri-
 cam, nec lenticularē; sed quâ vitreo humori immergitur, planè
 rotundam, quâ autem eminet ad aquam, depressiorem. Consis-
 tentiam obtinet reliquis humoribus densiorem, nec faciliè dif-
 fluit: remotâ tamen seu incisâ araneâ telâ, pedetentim dissolvi-
 tur & ad latera aliquantulum recedit. (III.) Demum Vi-
 TREUS humor ultimum locum occupat. Nomen accepit,
 quod vitre fuso tum colore, tum consistentiâ sit persimilis. Am-
 bit posteriorem ChrySTALLINI partem, Figuram nactus conve-
 xo cavam. Quantitas ejus præ cæteris insignis est, & ferè to-
 tum oculi ambitum implet. Anteriori superficie instructus est
 nonnullis processibus, palpebrarum ciliis non dissimilibus, à
 ChrySTALLINI tunicâ oriundis, ab eâque ad uveam tunicam pro-
 ductis, quibus, veluti firmo nexu, humor ChrySTALLINUS vitreo
 colligatur.

VI.

Ultima partium, quæ ad sensum faciunt, restat: NERVUS
 OPTICUS, cui libet oculo unus, qui primum par nervorum cere-
 bri constituunt. Quorum Situm *Galenus* insinuat *de diff. nerv.*
cap. 2. Ubi nervos hos ab utraque ventriculorum cerebri parte
 dextrâ & sinistrâ collocatos esse scribit. De exortu eorundem,
 licet maxima sit inter autores dissensio; Nos tamen facimus
 cum *Galeno XVI. us. part. c. 3.* qui illos ab ipsis ventriculorum
 thalamis deducit. Procedunt antrorsum, & mirabili artifi-
 cio in sellâ equinâ conjunguntur; Ita tamen, ut iisdem, non al-
 ternis, lateribus inserantur. Quemadmodum, more suo, *Galenus*
 scitè determinat. *X. us. part. 12.* Hæc conjunctio an per totalem
 medullæ unitatem & confusionem, an verò per externum so-
 lùm fiat nervorum contactum, non minor contentio exorta
 est. Veritati tamen proximius est, perpetuò eos esse distinctos:
 Siquidem natura nervorum, unius ab altero, disjunctionem,
 nullâ in parte neglexisse videtur. Ulterius progressi sejun-
 guntur, & suum quisque oculum adit transverso ingressu. Utur

autem nervus hic tunicis suis & medullâ constet; Id tamen ei peculiare est, quod foramine pervius sit. Ut jam diu oculatissimus *Galenus* perspexit, *diff. nerv. c. 2.* & hodiè non ita obscurum est, modò requisita à *Galeno* proposita non negligantur,

VII.

U^sus & A^ctio Oculi visus est: ad quem partes singula suam symbolam conferunt. Visus autem nobilissimam homini præstat operam. Animæ quidem ipsi cui suppeditat objecta, circa quæ occupetur speculatio: Corpori autem, cum ea, quæ noxia sunt, cavere monet & evitare; quæ utilia prosequi & amplecti.

VIII.

Cæterùm ipsa videndi ratio, omnium scriptorum recitatione tam frequentata, quàm hætenus enodata nemini, pugnantium inter se authorum sententiis ambigua est. Emissione ad rem videndam eam fieri, cum Stoicis Pythagoræ & Platoni olim placuit: Receptione eam perfici *Lucretius* & *Leucippus* cum *Aristotele* credidere. *Galenus* *Platonis* amplexus sententiam, ab oculo aliquid ad objectum commeare arbitratus est. Sed potior *Aristotelis* sententia, receptam in oculo rei visæ imaginem sensum facere, meritò fidem obrinet.

IX.

In quam autem partem objecta visibilia recipiantur, planum non est. *Hippocrates* lib. de Principiis, lumen reflecti in splendido, (crystallinum humorem intelligit) ibique visionem fieri existimavit. *Aristoteles* in aqueo visionem celebrari putavit, qui fortassis & ipse humorem hunc crystalloidem intellexit. *Galenus* à crystallino visionem absolvi multis locis prodidit. Quorum virorum gravissima auctoritas, locum fecit multis erroribus. Visionem enim in crystallino humore fieri, quotquot fuerunt, constanter bonâ fide crediderunt. Veritatis assertores, quo major ejus amor est, eò majorem laudem merentur. *Platerus* in Tabul. Anatom. Retiformis tunicæ semisphæram rerum externarum imagines recipere, & totum visionis negocium sustinere, primus divulgavit. Hunc sequutus *Keplerus*, verum visionis, in retina tunica, modum ita evidentissimis rationibus proposuit, ut aliter sentire,

cordati vix possint. Quam eandem sententiam Christophorus Scheinerus & Vopiscus Fortunatus Plempius ita indubitata reddidère: ut quod de Cæsare olim Tullius; idem nos de illis dicere possimus: *ipso sanos homines a scribendo (de visione) deterrere.*

XI.

Artificio, omnibus hodiè noto, cujus inventio Joann. Baptist. Portæ Neapolitani ingenio debetur, huic opinioni lucem affuderunt. Cubiculi occlusi, ut luci ingressus nullus datur, (obscuram cameram vocamus) anteriorem partem perforatam reddunt, foramine, quod digiti latitudinem vix æquet: Ingreditur per illud foramen, cum luce, omnium rerum exter-
narum, ex adverso foraminis positarum, imago cum suis coloribus, & pariete altero, ad debitam distantiam expanso, excipitur. Facto foramini inditur vitrum convexum, & visiles species, exactissimè & splendidissimè, in pariete depictæ, apparent. Egregium spectaculum, & admirationis plenum: Ad cujus imitationem oculus conditus, obscurâ camerâ omnes species visiles recipit. Cubiculum obscurum in oculo refert, intima ejus capacitas, circumstantibus membranis, tanquam parietibus, obumbrata. Uvea tunica, antè pervia, cubiculi foramen refert, Crystallinus humor vitro convexo similis est, quod in ipso foramine locatur. Retina verò tunica, expansus ex adverso paries est, in quo omnes extrinsecus advenientes species depinguntur.

XII.

Sed cum in facta per foramen in obscurâ camerâ specierum descriptione, omnia inversa sint, & quæ in objecto externo superius sunt locata, in camerâ obscurâ inferius depingantur, quæ in eodem dextra sunt, in specie depictâ sinistra sint: & vice versa; homo describatur stans in capite; domus in vertice: Quæsitum est: an eodem modo objecta in oculo invertantur? & si illud, quare igitur erecta cernantur omnia? & quare homines non capite incedere videantur? Difficillima certè quæstio, quæ plenissimum dedit viris ingeniosissimis negotiū. Imperiti quidam, refractione in oculo factâ, radios ab objecti

dextris partibus ad sinistram tendentes, in oculo iterum ad dextram; & ad ima euntes, ad suprema reflecti opinati, risum multis dederunt. Alii depravatam illam picturam per iudicium nostrum corrigi volentes: nullâ in brutis, in infantibus exiguâ iudicandi potentiâ refutari videntur. Tenendum igitur: depingi in retinâ objecta inverso situ. Sensationem autem non fieri quemadmodum in superficiem retinæ objecta cadunt; sed quodlibet objecti punctum, sentiri per radium, in retinâ refractum, qui, si extra oculum produci intelligatur, in objecti oppositam partem tendit. Ita ut objectum externum, à dextrâ positum, in sinistram retinæ partem cadens, ex sinistra illâ parte videatur, radio, qui ex sinistris oculi partibus, in dextras objecti tendit, atque ita quoque in cæteris.

XIII.

Quod quomodo fiat, dicere non est facile, antequam diversa radiorum, in diversis oculi partibus, itinera consideraverimus. Cum enim ea, quæ videri debebant, essent varia & quamplurima; exigua autem oculi capacitas omnibus, speciebus recipiendis sufficere non posset: singulari artificio usâ natura, ex diversis diaphanis oculum construxit, in quibus radiorum refractione fieret.

XIV.


Lucem gaudere diaphano, & per medium semper ferri, ita verum est, ut absque illo nihil nos visuros esse dixerit Aristoteles. Diaphanus igitur quoque oculus fieri debebat. Quandoquidem autem media diversa sunt, recipiendis visibilibus speciebus idonea: diversæ quoque oriuntur in illis radiorum affectiones, quas quia memoratu dignæ sunt, recensere bibimus.

Theor.

I. Radii per idem diaphanum delabentes, in concussio & irrefracto ductu feruntur. Idem enim medium cum sit, eodem semper modo admittit lucem,

II. Radii per diversa diaphana obliquè transeuntes, refringuntur. Et quidem si ex rariori in densius incident, ad perpendiculum refringuntur & colliguntur; si ex densiori medio in rarius cadant, à perpendiculo abeunt & disperguntur.

III. Radius perpendicularis per omnia, etiam diversissima, media æqualiter fertur, & nullam refractionem patitur.



In facto schemate, A objectum esto, quod radium, per idem medium A L B, emittit in B; Incidat nunc in medium diversum densius radius A B, quod sit C D; refractionem igitur patietur, nec transibit recto ductu in E, sed refringetur, & quandoquidem medium C D ponitur esse densius, ad perpendiculum. Perpendicularis est B F, ad eam inclinabit in G, erit igitur radius refractus B G. Quod si iterum ille incidat in medium rarius H I, à perpendiculo refractione fiet in K. Sed perpendiculariter cadens radius L F, exemptus est omni refractione, & inconcussus transit per densius & rarius.

XV.

Quandoquidem igitur lux, ex rariori medio in densius incidens, unitur & colligitur, in rarius è densiori delabens, dis-

siatur & debilitatur: conveniens erat, ut dispersi radii, in oculo congregati, non magnæ ejus cavitati includi possent, ex densiori medio, quàm aer est, oculum componi, ut recipiendis una & simul pluribus rebus refractione redderetur aptissimus. Facit enim refractione, non solum ut radii ad formalem visionis partem transeant lucidissimi, quod non ignoravit Vitellio lib. X. prop. 57, ubi refractionem generare lumen asserit; verum etiam, ut illi ad unum punctum convergentes, spatium quàm angusto recipiantur.

XVI.


Facto compendio totam videndi rationem complectemur, modò unicum Theorema addiderimus:

IV. Res non videtur per punctum, sed per radium, h. e. Illud, à quo visio dependet, non est punctum; sed est radius.

Nam sit punctum, ex adversarii sententiâ, quod determinet visionem: Dico quod omnia futura sint in visione incerta. Incidat enim, Ex. Gr. in schemate superiori, objectum, punctum externum A, radio A B, in retinam (quæ fingatur esse) C D, puncto B. Si jam punctum B est id, per quod videtur A, quid determinat locum ei certum? Nam à puncto A, prospectus patet in infinita loca, atque ita quoque in certo loco res non appareret, quæ tam videri posset esse in L, quàm in A. Quod igitur visionem determinat, radius est. Non quidem ille, qui incidit in visionis formalem partem, sed qui eam ingreditur: sub quo locus objecti extra positi jacet. Aut igitur objectum videtur in pluribus locis; aut non videtur per punctum. Prius experientia negat. Ergo posterius verum est. Accedit consensus optidorum, qui radium, sub quo visio fit, simplicem lineam, latitudine carentem, esse negant. Cum Princeps organi pars, quæ materialis est, indivisibile secundum latitudinem sentire non possit. Quod si sola longitudo sentire non potest: multo minus punctum, indivisibile etiam secundum longitudinem. Visio igitur in hunc modum fit: Objectum extra oculum positum, radios suos in totum hæmisphærium quaqua versus spargit, quorum, qui pupillam ingrediuntur, conicam figuram imi-

tan-

tantur. Inter quos, qui ad oculum perpendicularis est, transit
 irrefractus & objectum, à quo procedit, distinctissime defertur:
 Qui obliquè incident, refractionem patiuntur, & confusè ob-
 jecta, à quibus procedunt, repræsentant. Cum autem oculus
 ex diversis Diaphanis constet, diversas quoque & plures re-
 fractiones, rerum obliquè positarum, fieri necesse est. Qua-
 rum numerum inire, tam difficilè est; quam ardua ipsorum
 humorum & tunicarum, ratione densitatis, observatio. Qui
 humorem aqueum diversâ à tunicâ corneâ densitate esse vo-
 lunt; & simul chrySTALLINUM vitreumque humores, & Retinam
 Tunicam diversam inter se raritatem obtinere credunt: quin-
 que refractiones admittunt. Alii quatuor esse volunt; Alii
 plures, alii pauciores recensere possent. Quem dissensum
 componere, non est facilè, neque res postulat; potius nostrum
 propositum persequemur. Ponatur autem, fortassis non im-
 probabiliter, Humor vitreus cum crySTALLINO ejusdem esse
 densitatis; reliquas partes inter se differre: refractiones qua-
 tuor orientur. Sit igitur, in schemate præsentî, A punctum,



objecti vices sustinens, mittatq; radium A B, in corneam C D. Cum igitur cornea sit aere densior, refringetur radius ad perpendicularem B E, in F; Aqueum ingrediens, qui corneâ rarior est, à perpendiculo abibit in G; progressus ad crystallinum humorem, densiorem, novâ refractione, ad perpendiculum G E, abibit radius in H; Qui ubi humorem vitreum, ex hypothesi ejusdem densitatis, attigit: irrefractus transibit in I; Inde ultimò in retinâ, ad perpendiculum refringitur in K, qui radius I K, si produci intelligatur extra oculum, recidit in eandem plagam & locum, in quo objectum est. Hunc radium visorium esse, vero non est absimile. Quia enim visio fit per radium, & radius ille quærendus est in organo; non extra illud: non potest alius esse, quàm is, qui in retina refringitur. Cum enim reliqui radii omnes objectum A versus sinistram cogant; Ut experientia salvetur, qua omnia in statione sua videntur: fieri non potest, quin hæc enormitas priorum radiorum, radio in Retinâ refracto corrigatur.

XVII.

Cæterum providentissima natura, quæ nihil sine causa facit, verè admirandam se præbuit in hac hominis parte; & prodidit, quam sibi sit constantissima: Ita omnia in unum eumque optimum finem direxit. SITUM oculo dedit in excelsa loco: ut, tanquam ex speculâ, toti corpori prospiceret, cautus omnium tam noxiorum, quàm utilium animadversor; nihilque quod considerationem mereretur improvisum abiret. NUMERO duos fecit: tum ne uno oculo nimis pauca cerneremus; tum, ut uno pereunte, reliquum visionis instrumentum haberemus. Non quod natura alterum destinaverit interitui; sed quia provisit casui. Plures concedere necesse non erat, cum duo pervidendis omnibus sufficere possent. Conformavit eos FIGURA convenienti, & ut eò major fieret radiorum congregatio, omniaque in parvam & angustam Retinæ Tunicæ tabulam concludi possent: rotundas fecit omnes oculi partes. Cum enim in eâ figura omnes perpendiculares tendant ad unum punctum, ad Centrum: merito omnes oculi partes alicujus sphaeræ segmentum sunt, ut factâ ad unum punctum.

refractione, instrumento exiguo, quàm plurima cerne-
remus.

XII. X.

Partes singulæ, mirando artificio efformatæ, ad usum de-
bitum elegantissimè conspirant. Cum enim non ex quavis
positione oculi visibilia distinctè cernere possent; sed viderent
solum id, quod directè illis opponitur; Res autem ipsæ ad ob-
tutum nostrum moveri nec possent, nec deberent: Musculis
oculus indigebat, ut eum ad res videndas nostro Marte dirige-
re possemus. Quem usum pulcherrimè persequitur *Galenus*
X. us. part. cap. 8. Cum autem illi promptè & citeriori
motu circum rotarentur: adipem illis natura inseruit, ne vel
mutuo attritu offenderentur, vel humectatione destitueren-
tur. Ne autem oculum firmamenta necessaria deficerent:
ANNATA TUNICA instructus est, quæ ad visionem quidem,
nihil facit; ligamenti tamen officium præstat, ut firmiter hæ-
reat oculus partibus vicinis.

XIX.

Majores usus præstant tunicæ reliquæ. CORNEA, dura &
robusta & antè sita est: ut tenerum oculum ab injuriis ex-
ternis defendere posset, & quælibet obvenientia sustineret.
Splendida verò & pellucida est: ut transmitteret radios ab ex-
ternis rebus profluentes. Nacta quandam protuberantiam:
non solum ne crystallinum humorem comprimendo læderet,
ut habet *Galen. lib. cit. cap. 4.* sed etiam, ut plures radii in illam
inciderent, atque illa etiam animadverterentur, quæ obliquè
occursum erant. Densior aere est: ne recto itinere radii pro-
grederentur; sed incurvarentur. SCLEROTICA, quæ circum-
jectu suo cavum oculi sinum efficit, robore prædita est: ut
humores & tunicas arctè comprimeret, & suis sedibus coer-
ceret. Densitate autem usum præstat maximum. Antè
enim advenientes radios excludit; ne visibilia, undiquaque
per oculum diffusa, confunderentur: Posterius intimum ocu-
lum obtenebrat; ut in his tenebris objecta micarent splendi-
diora.

Humor Aqueus, qui corneam Tunicam implet, æqualem corneæ Tunicæ densitatem obtinere nonnullis visus est. quod si est, radius è cornea in humorem aqueum progressus irrefractus transibit: sin minus, factam in corneâ refractionem tamen non emendabit. Collocatus est inter corneam & crystallinum humorem, tum ut tensam & tumidam tunicam corneam servaret; tum ut tunicas circumstantes continuè humectaret. Hunc excipit **UVEA TUNICA**, elegantissimo foramine antèrius pervia, ut admittat species ad oculum euntes: Posterius opaca; ut intimam oculi obtenebrationem adjuvaret. Hanc artifex natura non uno semper modò hiare; sed modò contrahi, modò dilatari voluit, qui motus ex pupillæ variatione observatur. Clauso enim oculo altero, alterius pupilla crescit: post, eodem aperto, illa minuitur. Statuto homine in loco lucido, minuitur; eodem ad tenebras remoto, augetur. Cum enim lux intensissima, sine detrimento humorum oculi confertim admitti non posset; provisum est, ut pupillæ constrictione, nimius lucis ingressus coaceretur. Novit illud optimè **Dionysius Tyrannus**, qui captivos suos ex loco obscurissimo, in summum solis splendorem eductos, visu privabat, teste *Gal.* Rursus, cum debilis lux melius posset sentiri, si multi radii oculum ingrederentur; ampliorem pupillæ ambitum, pluribus radiis recipiendis requirebat. Efficientem hujus motus causam, obscuram certè & minus probabilem tradidit *Galenus*. Finale potius, quàm efficientem attulit *Fabric. ab Aquapend.* Verisimile videtur, hunc motum fibris uveæ, à pia nervi deductæ, intertextis, omninò adscribi deberi. Posteriori parte concava superficies colore nigricante infecta est, ut species, ultra progressæ, consisterent & terminarentur: sicut à mercurio speculi imagines.

CRYSTALLINUS humor uveæ apponitur, splendidissima oculi particula, qui compressus est anteriori facie: ut majorem sui partem cum objectis communicaret. Eum excipit **Humor Vitæus**, qui additus est, ut justa servetur inter Tunicam

retianm objectum & foramen distantia, quæ non parùm facit ad distinctam specierum visibilium receptionem. Uterq; nova refractione ad perpendicularum factâ radium incurvat, ut densissima eorum substantia postulat. Vitreus quidem humor, substantiâ crystallino rarior videtur; opacitas tamen & color facit, ut eodem, cum illo, modo lucem admittat.

XXII.

Ex eis progressus radius in RETINAM cadit, quâ vitreum humorem cingit. Hujus usus præ reliquis omnibus maximè celebrandus. Hæc radium advenientem leviter transmittit, & suâ subsequentiq; tunicæ opacitate eum obliterat. Hæc ita comparata est, ut objecta in eâ acquiescant, & recipiantur per modum quietis, neq; ultra progrediantur. In hac cum distinctissimè omnia describuntur, tum sensatio distincta; cum confusè, confusa fit: & quemadmodum in eam species cadunt; ita externa objecta cernuntur. Hæc, ex medullâ nervi optici & cranii medullâ producta, cavernulis suis spiritum animalelem continet. Quæ omnia hanc tunicam formalem visionis partem esse evincunt. Verùm neq; hæc pigra est, sed, ad motum uveæ Tunicæ, locum mutat, pro radiorum convergentiû necessitate. Objectum remotum, quod eorum breviorum efficit; propinquam crystallino Retinam exigit: proximum, quod longiorem specierum concursum facit; remotam. Hinc quibus integra oculi temperies, motusq; retinæ facilis; pervidendis tam propinquis, quàm remotis sufficiunt: Contra illi, quibus exsiccatae partes, officium suum difficulter faciunt. Quamvis non temperie solùm vitiatâ; sed mala consuetudine etiam, retina ita in loco uno confirmari possit, ut moveri dediscat.

XXIII.

Demum NERVORUM OPTICORUM insignis usus est. Deserunt enim spiritum animalelem ad oculum, & reciprocè species ad sensum communem. Causam cruciformis connexionis, Deorum stimulo, curiosissimè se investigasse Galenus narrat, eamq; triplicem facit: I. Ne duplicia omnia cernerentur; II. Ut spiritus ab uno oculo ad alterum commearent; III. Ut

robur nervi conjunctione acquirerent. Cum tamen species
ruri conjunctio, in reliquis sensuum nervis, sine contactu, in
sensu communi, fiat, ut peritè dexterrimus ille dissector Car-
pus monuit: Galeno ut adstipulemur, recta ratio prohibet. Ut
non dicamus, divisim naturaliter hisce nervis, specierum unio-
nem nihilominus factam fuisse. Quæ ipsa ratio secundo quoq;
Galeni usui refragatur.

COROLLARIA.

I.

Quod res una gemina non appareat, vera causa
videtur, unius objecti in eandem utriusque sensorii
partem projectio.

II.

Aquilæ cum remotissima videant, & Bubones in
tenebris: omnino statuendum est, hoc à pupillæ ma-
gnitudine & crystallini humoris planitie dependere.

III.

Senes longinqua vident distinctius; etiam si juve-
nes lusciosi fuerint: quoniam retiformis crystallino
eâ ætate proximior, objectorum radios citius coeun-
tes excipit.

IV.

Myopes rarò perspicillis juvantur: Cum plerum-
que hæc, convexâ superficie, pro senum oculis pa-
rentur.

V.

Talpæ neq; oculis carent, neq; visu.

VI.

Animalia, remotissima quæ perspiciunt; posteri-
orem quoque crystallini partem planiorem habent:
Reliqua, ut nostra plerumque domestica quadrupeda,
humoris hujus figuram minoris sphaeræ segmentum
habentia, propinqua tantùm animadvertunt,

VII.

VII.

Visu fascinationem fieri, ridiculum videtur.

IIIX.

Levi occasione, ut Bombardarum explosione, aut sternutatione, cæcitatem accidere posse, illi miraculo non erit, qui oculi structuram perspectam habet: Absit tamen ut suffusionem; sed potius guttam serenam appellandam esse statuamus.

IX.

Chirurgicâ manu suffusionem flavo, lurido aut alio quam albo colore (incurabilem vulgo creditam) auferri posse, ratio & experientia testatur.

X.

Acus Gallicæ, apice plano fabricatæ, felicius suffusionem auferunt: quam Italicæ, omni parte rotundæ.

Επίμετρα

I.

Bilis, longioris & sanioris vitæ conservatrix.

II.

Circularis sanguinis motus, ab Harvæo primum demonstratus, ut veritati consonus est: ita difficillimorum problematum nodos explicat. Hujus fundamentis nixi, credimus I. Unum eundemque sanguinem omnes corporis partes nutrire & vivificare. II. Arterias solas huic sanguini esse destinatas. III. Per venas sanguinem ad Centrum, quod Cor constituimus, & per Venam Cavam & Arteriam venosam in ventriculos cordis præcipitari.

Ad Dn. RESPONDENTEM, Authorem.

Nil tenerum magis est Oculo; subtilius est nil,
quam vires Oculi perdidicisse sui.

Millo

Mille vident : sed qui videant, visuq₃ medelam
mille itidem ignorant : tam latet istud opus.
Eruis è tenebris Oculos; & quanta potestas,
horum sit, magna dexteritate doces.
Sic oculatus eris nobisq₃, vocaberis Argus,
provenietq₃ Oculo lux radiosa tuo.

Paulus Marquartus Slegel,
Præses.

Alleguror. Augurium plenus sub fine probabit
exitus, & multò plenior augurio:
Te MEDICINÆ OCULUM methodo solerte futurum,
ROLFINCO famâ SLEGELIOq₃ parem.

Imq₃ f.

Joh. Michael Dilhrerus,
P. P.

Nil adeò natura sagax mirabile fecit,
Nil hominis, stupeas quod mage, corpus habet:
Quam duo sidereas imitantia lumina flammæ,
Lumina, quæ nitida cœrula fronte micant.
Sed non hæc etiam Tibi sic miranda videntur,
Schelhammere, Sophûm flos mediciq₃ chori:
Quin varios OCULI flexûs & dedala recta,
Quove modo radios explicet ille suos,
Artibus ingenii felici & acumine mentis
Pandas, doctorum subjiciasq₃ notis.
Macte istis animi felix conatibus! olim
Gentis Apollineæ, pulcher OCELLUS eris.

Quod ex animo amico
exoptatissimo vover

Balthasar Widmarcter,
Med. L.

F I N I S.